

3 Mei 2012

Jaargang 5 – Uitgawe 13

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Reik uit na ons bejaardes

Vader, soos U My na die wêreld toe gestuur het, het Ek hulle ook na die wêreld toe gestuur (Johannes 17: 18)

Tant Ralie vee 'n traan af terwyl sy kyk hoe Sanet met die paadjie af na haar motor toe loop. Wanneer sy wegry, sukkel-sukkel tant Ralie met haar loopraam terug na haar ou verweerde stoel waarin sy die meeste van haar tyd deurbring. Tant Ralie woon alleen in haar huis, en haar oorlede man se pensioen is veels te min vir haar om in 'n versorgingsoord te gaan bly. Sy kyk met dankbaarheid na die bord met eetgoed wat Sanet vir haar gebring het. Dit sal vir vandag en selfs môre hou. Dan sal sy maar weer plan maak om iets vir haarself op die stoof gaar te maak. Net een plaat van die stoof werk nog, maar dit is darem beter as niks. Daar is nie geld om die stoof te laat regmaak nie. Sy moet net onthou om die vriendelike man by die supermark te bel om vir haar 'n paar goedjies te stuur, want self kom sy nêrens meer nie en haar seun woon in Londen en haar dogter in Durban. Gelukkig het Sanet beloof dat sy haar Vrydag sal kom haal sodat hulle by die Wimpy kan gaan koffie drink, en dan kan sy self koop wat nodig is.

Sy dink weer aan Sanet. Die pragtige jong vrou het uit die bloute opgedaag en verduidelik dat sy 'n lid van die gemeente se AGB is. Toe tant Ralie haar vreemd aankyk, het sy gelag en gesê: *Tannie, dit staan vir die Aksiegroep vir Bejaardes, en ons besoek die bejaardes in ons gemeente om hulle te help met alles wat hulle nodig het. Van nou af sal ek of iemand anders Tannie gereeld besoek. Dan kan ons Tannie dokter toe of apteek en winkels toe te neem.* Tant Ralie wou dadelik weet wat dit gaan kos. Sanet het egter vir haar gesê sy doen dit as deel van haar persoonlike barmhartigheidsdiens, en daarom kom dit uit haar hart. Sy het verder so mooi gesê dat sy dit in die voetspore van Jesus doen. Tant Ralie gee 'n snik en sê hardop: *My Here is goed!*

Die verhaaltjie hierbo probeer iets sê van barmhartigheid as die Christelike gesindheid en houding van liefde en diens wat een bevoorregte mens teenoor 'n ander, minderbevoorregte mens behoort te bewys. Die AGB, as werkgroep van die Algemene Diakensvergadering, se ideaal is om in elke ring en gemeente 'n aksiegroep vir bejaardes in plek te hê. Talle bejaardes leef onder die druk van kwynde pensioene, sukkelende beleggings en algemene finansiële nood. Hulle is dikwels fisies verswak, emosioneel verward en sosiaal baie eensaam. Ons moet hulle in hul nood en met hul behoefte raaksien en met liefde en deernis na hul heil omsien. Jesus het ook vir my en jou gebid toe Hy gesê het: *Vader, soos U My na die wêreld toe gestuur het, het Ek hulle ook na die wêreld toe gestuur (Joh 17: 17-19).* Ons Here Jesus stuur ons as gelowiges onder andere ook na die bejaardes in ons gemeente en gemeenskap. Gaan nou, deel vrywillig en gewillig jou voorspoed met hulle wat smee vir 'n bietjie aandag en liefde.

Lees meer oor die AGB by www.diakens.co.za.

Dr Hennie van Deventer

Skakels

Webblad van die Hervormde Kerk www.nhk.co.za

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

BEROEPE EN STANDPLASE


Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhk.co.za te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep ontvang

- **Ds Marius Jansen van Vuren** van Duncanville na Ventersdorp

Beroep aanvaar

- **Prop Rue Hopley** na Rustenburg-Tuine (benoeming)



Ds Marius
Jansen van Vuren

Prop Rue Hopley

PREDIKANTE EN GEMEENTES

Alle lief en leed vir plasing in die kerklike publikasies moet aan die Sekretaris vir SENTIK, dr Wouter van Wyk, by wouter@nhk.co.za gestuur word, of skakel hom by 082 339 2332.



Ds Andries Alberts

- Ons het pas verneem dat emerituspredikant **ds ANJD (Andries) Alberts** op 1 Mei oorlede is. Hy het op 13 Oktober verlede jaar 88 jaar oud geword. Ds Alberts is in Desember 1957 georden, en het Gemeente Dordrecht sedert 1958 bedien, Wesrand (1962), Naboomspruit (1965), en het in 1990 emeritaat aanvaar. Ds Andries en sy vrou, Lia, lidmate van Gemeente Verwoerdburg, het in Lyttelton gewoon. Ds Alberts is die vader van ds Nick Alberts van Wonderfontein en die skoonvader van dr Jan Vorster van Olifantsfontein. Ons innige simpatie gaan aan mev Alberts en die res van hul familie.



Prof Kálmán Papp

- Baie geluk aan **ds Cobus Manders** en **ds Mari du Plessis-Manders** van Gemeente Suidoos-Witbank met die geboorte van hul tweede babadogter op 16 April. Ousus Annemae is nou drie jaar oud.
- **Mev Edna Minnaar** (weduwee van ds Albert) is op 14 April getroud met Daniël Nel. Ons wens die egpaar net die beste toe vir die jare wat voorlê.
- Baie geluk aan **prof (hc) Kálmán Papp** wat op Woensdag 2 Mei sy 88ste verjaardag gevier het. Ons weet dat dit nie aldag ewe goed gaan nie, en bid hom die Heer se bystand en seën toe.

- **Ds Dirk van Rooyen** is op Sondag 29 April ontvang in die Belfast/Waterval Boven-kombinasie. Op die foto is hy saam met die persone wat groetboodskappe oorgedra het: Van links na regs oudl Fred Paynter namens die Kommissie van die AKV; ds Lammert van Rooyen (broer) wat die bevestiging gedoen het; dr Ernest Marran namens die ring van Losberg; oudl Kobus Prinsloo namens die Belfast/Waterval Boven-kombinasie; oudl Danie Prinsloo namens die ring van Middelburg; oudl Hennie Venter namens die NG gemeente Waterval Boven; oudl Hennie Coetzee namens Gemeente Carletonville; en ds Johan Mouton van Gemeente Koster.

- **Prop Rue Hopley** word op Sondag 6 Mei in Gemeente Rustenburg-Tuine georden.

- Die **vyfde preekskets**, deur **ds Hannes van der Merwe**, word teen die einde van die week aan predikante gestuur. Die preeksketse is 'n hulpmiddel vir predikante, en nie 'n volledig uitgewerkte preek nie. Predikante en gemeentes kan dit byvoorbeeld gebruik in gesprekke met eredienswerkgroepe, ouderlingevergaderings of Bybelstudiegroepe. **Lidmate** kan gaan na www.nhk.co.za (of www.nhka.org)





→ So werk ons → Toerusting → In Christus se voetspore vir agtergrondinligting en 'n paar vrae oor die betrokke teksgedeelte wat gesprek in die gemeente kan stimuleer.

- **Geloof-in-Aksie Motorfietsbediening** van **Gemeente Randburg** onderneem van **4 tot 6 Mei** 'n uitreiktoer na die Oos-Vrystaat en Lesotho. Op **Sondag 6 Mei** woon hulle **Gemeente Bethlehem** se oggendediens by. Die toergroep bestaan uit 14 motorfiets (22 mense). Ander dorpe met Hervormde gemeentes waardeur die toer beweeg, is **Reitz, Heilbron en Sasolburg**. Laat weet ds CJ van Wyk by 082 898 2345 of hulle moet stop vir tee.
- Die lede van die **Eendrachtkring** word herinner aan hul byeenkoms op **Donderdag 24 Mei** om 09:30 vir 10:00 by Déjà.vu Restourant, Annie Bothalaan 78, Riviera, Pretoria. Antwoord asseblief **op die laatste teen Maandag 21 Mei** by Johanna Steyn, 012 348 2932 of 082 749 3071, of Hendrien Naudé, 018 290 9460 of 083 722 3653.
- **Gemeente Piet Retief** vier vanjaar hul **eeufees**. Alle lidmate wat voorheen aan die gemeente verbonde was, word versoek om vertellings, foto's en ander gedenkwaardighede beskikbaar te stel. Almal word ook uitgenooi om die **naweek van 17-19 Augustus** aan die verrigtinge deel te neem. Dit sal 'n **dankdiens** op Vrydag 17 Augustus en 'n **basaar** die Saterdag insluit. Skakel Jan Venter by 082 925 3951 of 017 826 3604.
- **Gemeente Buffelspoort** (by Mooinooi) beskik steeds oor 'n vakature vir 'n **orrelis**. Stuur aansoeke aan mev Sarie van den Berg by marikana@nhk.co.za, of kontak haar by 083 654 0626.
- **Preekbeurt in Dullstroom**. Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by nhkdullstroom@yahoo.com of 072 116 3353.

Spesiale eredienste

- **Gemeente Montana-Oos: Sondag 6 Mei om 15:00**
Ligte klassieke konsert met samesang (sangdiens)
In kerkgebou, te Plot 223, Kameeldrifweg, Derdepoort
Tema: *Juig want Christus is ons lewe*
Opera 2000 Ensemble met soliste Bets Botha, Elma Bester (mezzosopraan), Jackie van Rensburg (sopraan), Nelda Schoeman (sopraan) en Hennie du Plessis (tenoor)
Begeleiding deur Helena Oosthuizen
Verversings daarna
R60 per persoon, kinders 14 jaar en jonger gratis (sluit verversings in)
Kaartjies ook by deur beskikbaar
Vir meer inligting en kaartjies, kontak Frikkie Potgieter by 082 871 7935 of ds Frikkie van Wyk by 083 625 6788
- **Gemeente Kruin: 25-jaar-viering vir ds Kobus Pienaar**
Sondag 13 Mei
Gelukwense deur oudl Pieter de Bruyn van die Kommissie van die AKV
Navrae aan nhkkruin@gmail.com
- **Gemeente Ermelo-Suid: 25-jaar-viering vir ds Johan Bezuidenhout**
Sondag 20 Mei
Navrae aan cjbezuidenhout@nhk.co.za



Predikanteverjaardae

- **Die volgende predikante verjaar tot 11 Mei, en word hartlik geluk gewens.**
 - Donderdag 3 Mei: Prop Elritia le Roux (beroepafwagting)
 - Vrydag 4 Mei: Ds Pierre Roets (Springs-Oos)
 - Saterdag 5 Mei: Di Johan Bester (Meyerton), Frik Engelbrecht (emeritus), drr Hein Delport (Krugersdorp) en Ernest Marran (Losberg)
 - Sondag 6 Mei: Ds Cobus Manders (Suidoos-Witbank)
 - Woensdag 9 Mei: Ds Leon Geel (Grimbeekpark) en dr André Groenewald (buiteland)
 - Donderdag 10 Mei: Di Frans Ras (Windhoek), Fanie Swanepoel (emeritus) en Gert van der Merwe (beroepafwagting)
 - Vrydag 11 Mei: Ds Guillaume Rocher (Nigel) en dr Christo van der Merwe (UP)

Beplande vergaderings

- Saterdag 5 Mei: NHSV-dagbestuur
RDV Waterberg
RDV Wes-Kaapland
- Maandag 7 Mei: Raad vir SENTIK
- Dinsdag 8 Mei: RDV Maquassi
- Woensdag 9 Mei: Direksie van die Kinderhuise
- Donderdag 10 Mei: Redaksie van *Die Hervormer*
- Vrydag 11 Mei: Kommissie van die AKV
- Saterdag 12 Mei: Kommissie van die ADV
RDV Oos-Kaapland
RDV Zuurfontein

Kursusse en toerusting

- **Die RDV Noordelike Pretoria**
Reistaskursus vir diakens en diensgroepwerkers
Vrydag 25 Mei vanaf 19:00 en **Saterdag 26 Mei** vanaf 08:00
By Gemeente Montana, Jan Bantjesstraat
Koste R100 per persoon
Betalings aan RDV Noordelike Pretoria, ABSA Sinoville,
tjekrekening 405 031 6934
Navrae en besprekings by Daleen Smith (dsmith@webmail.co.za)
of 073 229 3814
of Esmé Taljaard (087 802 1109)
- **Voortgesette Teologiese Toerusting vir Predikante (VTT)**
5 en 6 Junie, en 6 en 7 November
Tema: *Missionale Diakonaat. Saam in diens met verstand, hart en hand*
By Gemeente Wapadrant
Koste **R320** per persoon
Predikante wat VTT in Junie wil bywoon, kontak mev Betsie Brits **voor 18 Mei**
Hierdie datum is uiters belangrik, veral ook vir reëlings met spyseniers!
E-pos betsie.brits@up.ac.za of faks 012 420 4303
Registrasiefooi verkieslik vooraf elektronies of per bankdeposito
Kerkgeld vir Kerkwerk; ABSA; rekening nr 020 149 752; kode 63 20 05;
verwysing 2013K VTT (gevolg deur naam van kursusganger)

Beskikbare behuising

- **Behuising vir senior burgers:** Kom geniet 'n rustige aftrede op die platteland



Andries-Marié Oosthuizen Monumenttehuis in Parys

- o 3 kamers met gedeelde geriewe – bejaardes moet gesond en selfversorgend wees
 - o 2 beddens in 4-bed-kamer met 24-uur-versorging vir verswakte bejaardes
- Kontak matrone Botha by 056 811 2185

Konserte en feeste

- **Vrydag 11 Mei om 19:00: Gemeente Alberton**
Fondsinsameling vir die jeug
Snotkop tree op by Albertonse Sokkerklub
Hekke open om 17:00
R80 per persoon, kos en koeldrank beskikbaar
Kontak Pieter by 082 332 4252, Neline by 072 520 5878
of ds Tiaan by 073 529 1538
- **Saterdag 19 Mei 09:00 vir 09:30: Gemeente Theresapark**
Teemaaltyd met 'n hoed (*high tea*)
Kom geniet **Elmien Botha** se *Hallo Eva, my naam is Vrou*
Daarna **Albert de Wet** se sang
Hoërskool Gerrit Maritz se skoolsaal
R100 per persoon
Kom deel in 'n vrolike en stylvolle oggend!
Navrae na 012 542 3568 / 084 780 7326 / 082 460 6279
- **Saterdag 19 Mei: Gemeente Mafeking**
Kom bederf jou geliefde met 'n ete, Afrikaanse gaskunstenaar
en die breek van 'n paar borde!
Yoti, die Griekse boertjie
In die Motorklub te Mahikeng
R150 per persoon (R75 per kind)
Navrae aan ds Annelie Botha by 082 650 3494
of Josy Scholtz by 083 409 3600
- **Sondag 3 Junie om 15:00: Gemeente Nelspruit**
Songs of Praise
Met Richard Cock
Kerkgebou, Belladonnastraat 120, Nelspruit
Toegang R75
Bespreek by kerkkantoor (013 741 1455), kaartjies ook by deur beskikbaar
Navrae by 082 460 8252

**Ons lewer uitstekende
diens teen billike tariewe.
Troupakkette vanaf
R4 500 vir 2 fotograwe.**



Janri: 072 622 0036
janri@j3photography.co.za
www.j3photography.co.za
www.facebook.com/J3Photography



Kampe en toere

- **Toer op Bybelse voetspore...**
Egipte, Israel en Jordanië
4-18 Desember 2012
Kontak ds Hannes van der Merwe by 082 575 1979
of hannes@pretoriaoos.com vir meer inligting

Kompetisies en fondsinsamelings

- **Gemeente Tzaneen: Groot 3-kompetisie**
Sluitingsdatum 31 Mei 2012
Kaartjies R50
Wen een van 3 groot pryse
Prys 1: Jagnaweek in die Waterpoort, 1 eland, 1 koedoe, 1 rooibok
Prys 2: AMC Classic kookstel, waarde R15 000
Prys 3: iPad ter waarde van R6 500
Navrae aan gemeentelike kerkkantoor by 015 307 4508
of ds Richard van der Westhuizen by 072 144 7514
- **Gemeente Philadelphia: Fietstoer 2012 Julievakansie**
40 studente ry vir 15 dae fiets om fondse in te samel vir liefdadigheid
Hulle was vensters, dra inkopiesakkies, dans, sing, lê voor mense se motors...
Enigiets wat jou laat lag en laat bydra
Borge baie welkom!

30 Junie Pretoria
1 Julie Kempton Park
2 Julie Drie Riviere
3 Julie Vanderbijlpark
4 Julie Sasolburg
5 Julie Parys
6 Julie Toernaweek
9 Julie Welkom
10 Julie Wolmaransstad
11 Julie Klerksdorp
12 Julie Potchefstroom
13 Julie Krugersdorp
14 Julie Pretoria

Navrae? Borgskappe? Wil jy saam kom fietstrap?
Kontak Fanie Willers (toerleier): fanie.willers@gmail.com of 072 494 8735
Lizaan Britz (ondertoerleier/bemaking): lizaanbritz8@gmail.com
of 076 315 4218
E-pos: philadelphia@nhk.co.za. Webwerf: www.philadelphia.co.za

- **Gemeente Witfield in Boksburg: Boogjagkompetisie**
Sluitingsdatum: 29 Julie 2012
Kaartjies R100 donasie
1ste prys: 10 diere, waarde R40 000, en 5 nagte verblyf
2de prys: 8 diere, waarde R19 300, en 3 nagte verblyf
3de prys: 6 diere, waarde R11 000, en 3 nagte verblyf
Geborg deur Nyalarus, tussen Groblersdal en Marble Hall
Geweerjag kan gereël word
of keuse om plaas se professionele jagter te gebruik
Pryse verval op 30 September 2012
Kontak Adri Nel by 084 200 1027
of Chaan Bezuidenhout by 082 853 5895 vir meer inligting





Basaars en markte

- **Vrydag 4 Mei 09:00-19:00 en Saterdag 5 Mei 09:00-14:00**
Gemeente Suidoos-Witbank: Geskenkemark
Laaste 2 dae
Oorkant Midas, hv Hans Strydom- en Theunis Jansenstraat
Teetuin, geskenke vir Moeders- en Vadersdag
Handgemaakte items, juwele, koekies, skilderye, klere, handwerk
Kontak Bettie by gemeentelike kerkkantoor (013 697 1457)
- **Vrydag 4 Mei vanaf 10:00 en Saterdag 5 Mei vanaf 09:00**
Gemeente Rustenburg: Outydse Boerefees
Kom wys jou kinders hoe ons voorouers geleef het
Koeiemelk, seepkook, mieliesdors, donkiekar ry
Eetgoed te koop en vele meer
Op die kerkterrein, veilige parking
Toegang gratis
Navrae aan Mari by 084 208 7445
- **Vrydag 4 Mei vanaf 17:00 en Saterdag 5 Mei vanaf 08:00**
Gemeente Wonderboom-Suid: Basaar
10de laan 920
Heerlike eetgoed en baie kuier!
Privaatstalletjies beskikbaar teen R50
Kontak Daleen Smith by 073 229 3814 of dsmith@webmail.co.za
- **Saterdag 5 Mei vanaf 08:00: Gemeente Magaliesmoot: Afrika Safaribasaar**
Op hul gronde langs Laerskool Kameeldrift
Hoëkwaliteitvleis teen uiters billike pryse (wors en maaltvleis R45 per kg)
Vermaak vir kinders, sewesrugby, vlugbal, groot veiling
Wen 'n kwadfiets vir R50 per kaartjie
Kom kuier saam en dra hope winskope huis toe
Kontak David Barnard by 083 441 1789
- **Saterdag 5 Mei: Gemeente Greylingstad: Basaar**
Geniet die gasvryheid van die platteland
Vars vleis, biltong, braaivleis, pannekoek, nagereg, tuisgebak...
Navrae aan Elize van Jaarsveld by 017 778 0921
- **Saterdag 5 Mei vanaf 08:00: Gemeente Carletonville: Sinkgatfees**
Carleton Jones Sportgronde
Met Cordelia, Armand Hofmeyr, Thys die Bosveldklong
Uitstallers, biertert, karnaval, ysterman, kookkompetisie
Ook **Modelkompetisie op Vrydag 4 Mei** vanaf 18:00
Kontak ds Henk Calitz by henkcalitz@gmail.com of 081 474 8942
- **Vrydag 25 Mei: Gemeente Klerksdorp-Doringkruin**
Basaar en kontantfondsinsameling
Kaartjieverkope met pryse te wen
Kaartjies R10 – koop boekie met 25 kaartjies teen R200
en kry laaste 5 kaartjies gratis
Trekking 25 Mei tydens basaar
1ste prys: R10 000 kontant
2de prys: 5 kg maaltvleis, 5 kg wors en 2 kg biltong
Persoon wat wenkaartjie verkoop, kry R1 500 kontant of 'n slagskaap
Navrae aan gemeentelike kerkkantoor by 018 468 5545
of oudl Roenie van Zyl by 082 458 1257

KoroKoro Bosveldfees
Curro Roodeplaatdam
S25° 37'53:31" E28° 23'32:88"



HEELDAG VERMAAK EN ONTSPANNING VIR DIE HELE GESIN!

12 Mei 2012 vanaf 08:00
 Volwassenes: R50
 Kinders: R20

Potjiekoskompetisie – Kaartjies te koop
 Speelpark vir kinders, Verskeie uitstallers, Vlooiemark,
 Heerlike eet- & drinkgoed, Grootstermugby, 7de Laan akteurs

**Jay, Lianie May, Willem Botha,
 Charlize Bergh, Monique Steyn**

  Kontak
 Esmé by (012) 567 1753

- **Saterdag 26 Mei: Gemeente Schoemansdal in Hartbeespoort Basaar**
 Kunstenaars Gert van Tonder, Dozi, Karlien van Jaarsveld en Bok van Blerk
 Hope kosstalletjies
 Kontak Mientjie by 012 253 0146 of 083 536 1530
- **Vrydag 1 Junie: Gemeente Coligny: Winterfees**
 Gaskunstenaar Jesse Ackerman – kom sing karaoke saam en wen
 Hoëgehalte vleis teen uiters billike pryse
 Kaiings, pannekoek, hamburgers, nagereg, tuisgebak...
 Tombola, skyfskiet, kunsmark, kweekstalletjie, snoepie, roerbraai, skaappot...
 Springkasteel vir die jonges
 Heelwat pryse te wen – pragtige troupop, tafelnet, geslypte diamant...
 Die aand modeparade met ons eie modelle en gasmodelle
 Navrae aan jsjordan@telkomsa.net

ANDER NUUS

- **DIE ONDERSTEUNINGSRAAD: VAKATURES**
 Daar is tans poste vir **gekwalfiseerde maatskaplike werkers** by:
 - Brakpan
 - Nylstroom
 - Pretoria
 - Vanderbijlpark

By die Lydenburg-kantoor:

 - 2/8ste sekretariële pos vir persoon wat rekenaarvaardig is
 - Pos vir Afrikaanssprekende hulpmaatskaplikewerker met geldige rybewys en wat by Raad vir Maatskaplike Diensberoep geregistreer is

Kontak Mariaan Steenkamp by mariaans@nhk.co.za of Charmaine Fourie by oraadpb@nhk.co.za, 012 322 8885 x313 of 071 684 7796.
- **KONFERENSIE: FROM EMBERS TO A FLAME**
 Vernuwung in kwynende gemeentes: 'n Gereformeerde perspektief
8-10 Mei
 Good News Convention Centre, Muldersdrift
 Met dr Harry Reeder van Briarwood Presbyterian Church, Birmingham (Alabama)
 Navrae aan 012 658 0525 of ralph@neos.co.za
 Besoek www.churchvitality.co.za vir meer inligting

- **DAG VAN GEBED.** Daar word elke dag van die jaar, elke uur van die dag, oor die hele wêreld vir Bybelwerk gebid. Werknemers van die **Bybelgenootskap** bid gereeld saam, terwyl ondersteuners van die werk van die Bybelgenootskap ook individueel of in groepe saam bid. Elke jaar is daar egter een dag, **9 Mei**, wat gereserveer is as 'n spesiale dag van gebed. Vir jou gratis kopie van die WBG Dag van Gebed DVD, stuur 'n e-pos aan biblia@biblesociety.co.za.

- **AMANZIMTOTI**

Luukse vakansiewoonstel te huur
Reg op hoofstrand, met swembad
2 slaapkamers (6 beddens)
3 badkamers, luukse kombuis, DStv
24-uur-sekureiteit, onderdakparkering
Loopafstand van alles
Vanaf R340 per dag
Skakel 014 736 5149 (w) of 072 209 8809



- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die **e-Hervormer** geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. **GEEN** advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing.**

Die verskuldigde bedrag moet uitgemaak word aan:
Raad van Finansies
ABSA Bank
Tjekrekening nommer 020-000-287
Takkode 632-005
Verwysing: u naam + e-Hervormer Ads

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad by www.nhk.co.za gestuur word. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Dr Daan van Wyk se oproep tot eenheid te midde van diversiteit is in wese 'n weerspieëling van die werklikheid waarin ons in Suid-Afrika leef. Ten spyte van 'n verlede van dogma en kerkwees, skemer dit deur dat Christenwees dalk die belangrikste van alles is. Nog altyd gewonder oor die *Afrika* op die kerkwapen.”

Dr Ernie Jacobson

“Ek is dankbaar vir die voorbladartikel van 26 April. Die volgende het tog betrekking: *Daar is net een pad: Kom ons aanvaar almal die Woord van die Here, ons bevestig*

ons belydenis opnuut en onderwerp ons aan die Kerkorde. Dis waar, daar is net hierdie pad, maar dan kan ons nie net die Woord van die Here aanvaar en ons aan die Kerkorde onderwerp nie, nee, ons moet ons **eerstens in gehoorsaamheid aan die Woord van die Here onderwerp**, daarna die res. Talle mense aanvaar die Woord van die Here, gelowiges **gehoorsaam** egter die Woord van die Here.”

Ds Dirk van Rooyen, Belfast/Waterval Boven-kombinasie

AGTERBLAD



In Konteks van Mei 2012

- Die verhaal van Josef, deel 3, vir Bybelvasvra 2012
- Maak kennis met die gemeentes in Pretoria
- Wat gebeur met jou barmhartigheidsoffer?

Teken in teen R140 vir 10 uitgawes

Bestel by sentik@nhk.co.za of by u gemeentelike kantoor



In Die Hervormer van Mei 2012

- Die feite oor die nuwe Afrikaanse Bybelvertaling
- Gemeente Potchefstroom 170 jaar
- Hoe lees jý die Bybel?

Teken in teen R100 vir 11 uitgawes

Bestel by sentik@nhk.co.za of by u gemeentelike kantoor